

8N2-3-005



CANTIC SPIRITUEL

VAR BUEZ

SANT TENENAN

ESKOP A LEON

PATRON A BARRES PLABENNEC

Brest. — Imp. A. Dumont, r. Kléber, 11.

CANTIC SPIRITUEL

VAR BUEZ

SANT TENENAN, ESKOP A LEON

Patron a Barres Plabennec

*Var ton Ma vez canet ar Gommunion spirituel e
Retret Brest, pe var ton Guerez S. Guillerm.*

Tud devot, Christenien fidel,
Selaouit ur c'hantic santel
Inspiret gant ar Speret-Glan,
En enor da sant Tenenan.

Selaouit c'hui Plabennegis,
Person eo bet en hoc'h Ilis ;
Selaouit oll, pobl a Leon,
Escop eo bet en ho canton.

Euz an Irland oa guinidic
A guerent nobl ha pinvidic.
Kentelliou hac exemplou mad
En devoe a-berz mam ha tad.

Kenta ma oue'n oat da ziski,
E voe lakeat var ar studi
Dindan eun den fur a velec,
A reat aneza Carantec.

N'en doa quet accomplisset c'hoaz
An oat eveuz a drizec vloaz,
Na doa parfet er skianchou
Ha parfetoc'h er vertuziou.

Casset oue, evit heul he stad,
Da Lez ar Roue gant he dad,
Ha ne oue gulet courtizan
Er palez par da Denenan.

Estimet oa gant ar Brincet,
Caret gant an itronezet,
Hag azveulet gant ar bed oll,
En danger, sioaz ! d'en em goll.

Mes a greiz kaloun da Zoue,
Bemdez en em recommande,
Hag e c'hounezaz eur victor
Din a veuleudi hac enor.

Eun Demezel, merc'h eur Gontez,
Plac'h a enor d'ar Rouanez,
N'alle ket en em gontanti
D'he velet ha d'he gontempli.

Eur bennerez oa, n'e doa manc,
Caer ha pinvidic, ha iaouanc,
Hag he sonj a lakeaz ennan
Ken a zeuaz folles anezan.

Ar Gontez, o klasq angaji
Hon dijentil d'he eureuji,
Offrou, gourdrizou, kement zo,
A glascas evit he zeseo.

Mæs, palamour m'en doa gret le
Da viret ar virginite,
E kemeraz evit armou
An oræzon hag ar iunou.

Digant Doue e reketaz,
Evel eur c'hras ha faveur vraz,
Ma teuje da goll ar genet
A ioa caos m'az oa ker brudet.

Souden e obtenas he c'hras,
Lor e parissas var ar plas,
Hag an tan a vougas a grenn
E creiz calon ar femellen.

Neuze oue libr dezan kuitaat
Euz ar palæz da di-he dad,
Ha gant poan oue anavezet
Gant he dud, kement oa chenchet.

Charmant oa clevet Tenenan
Ouz ho c'honsoli e-unan,
Ha guelet ker brao dijentil
Ker contant gant eur c'hlenvet vil.

Eun deiz, goude he oræzon,
E couezas en eur c'houstket don,
Hag oue inspiret gant eun Æl
Da vont da gaout he vestr santel.

Carantec a ioa kelennet
A-berz an Env euz he glenvet
Hag eur remed en devoa great
Evit e renta iac'h ha neat.

Evel ma sonjas touch ounta
D'he voalc'hi ha d'he barea,
He glenvet a zisparissas
Hag ho lezaz en eur joa vraz.

Neuz' en em strinkas dan daoulin
Dirag ar Vajeste divin,
Gant soursi da drugarecat
Eun Doue ker fidel ha ker mad.

Tenenan a reas adarre
Vœu da viret ar chastete ;
Hag evit renons crenn d'ar bed,
Belec en em rentas abret.

P'edo guir vella en he vro,
O prezeg ar feiz tro var dro,
Eun Æl a zigasas deza
Urz da guitaat, da guimiada ;

Da vont da gundui an denvet
En doa bet sant Paol gouarnet,
En eur c'harter eveuz a Vreiz,
Et leac'h na vank james ar Feiz.

Ar zant, kerkent, evit senti
Ouz urz-an Eê, hep ken soursi,
Gant bennoz he vestr Carantec,
A ambarkas gant daou velec.

Setu hi o sevel goel
Da vont e-trezeg Brez-Izel;
E costez Leon eo ez ijont,
Hac e rad Brest e antrejont.

Poulzet ouent gant eun avel gre,
Ractal, e canol Landerne,
Ken a errujont gant ho lestr
Dirag Castel-Gouelet-Forest.

D'ar poent-se, an Danemarkis
A rea droug braz da Leonis;
Mil grueldet dezho a reent
Ha den ganet ne espernent.

An dud o chom en ho ziez
Ne doant ket sur euz ho buez,
Tec'het a rent a vandennou,
Darn er c'heriou, darn er c'hoajou.

Forz tud a ioa en-em daolet
E coat ar Forest da guzet,
Hag er C'hastel e lekeant gued,
Gant aon ne vijent surprenet.

Pa velas 'ta ar santinel
Al-lestr o tont eun d'ar C'hastel,
E c'havertissaz a boez-penn :
« Eur sant zo erru d'hon difenn. »

Ar c'habiten eveuz ar c'hard,
Gant he oll soudardet, hep tard,
A griaz : « Bennoz, en heur-ma,
« D'ar zant a deü d'hon delivra ! »

Pa oa diskennet Tenenan,
Ho c'honsolas holl ker buan,
O prometti abers Doue
Dious pep seurt droug ho difenje.

An dud keiz, gant sourci divoall
Ho c'horf, ho madou dious pep goall,
O dea lezet en abandon
Deveriou ar Religion.

Ar Zant evit commodite
An offis a servich Doue
Diou ilis a vatissas prest,
Unan e pep penn ar Forest.

Ilis ar Forest oue ar guenta
A gommansas da vatissa,
Goude larcoc'h, en douar braz,
Ilis Plabennec a fontaz.

En daou blas-ma e prezegue
D'ar bopl christen comsou Doue,
Hag e vague o eneou
Dre voien ar sacramanchou.

E creiz etre an diou ilis,
E savaz c'hoaz eun edifis,
Pe eur c'hre da zigumeret
An dud paour ma rancjent tec'het.

E di a vatissas enna,
Gant chapel da oferenna,
Hac e etablissas ouспен
Eul lez da varn ha da guelen.

Ar Varbaret, leun a arrach,
A guendalc'he d'ober ravach;
An oll ilizou a billent,
Ha netra sacr na respetent.

Ar Zant, kenta ma cleo ar brud
E tidosteont var zu he dud,
En em lacas prest e peden,
Hag he oll dud e pinijen.

Eun dijentil a nopla goad,
Gant armou cre, biniguet mad,
A roaz dezo da gabiten,
Evit ho difen hac ho ren.

Ar c'habiten-ma, gant prez braz,
E Plabennec e vatissas
Eun dourel rond, gant e avis,
'Vit recur madou an ilis.

N'oa ket gallet c'hoaz sevel dor
Evit serra var an tenzor,
Na ziredas ar Barbaret,
Goas evit bleizi arrajet.

Ar c'habiten, pa ho guelas,
En he dour en em renfermas,
Gant eur goz rod, e deffot guell,
E stankas cre dor he gastell.

Goude m'o devoa, e peb guis,
Clasquet e vean, pilla an ilis,
En em doljont da glasq antren
En he dour var ar c'habiten.

Mæs Doue, roue an Armeou
A selaouas ar pedennou
A rea e Lesquelen, dan heur,
Ar Zant gant e vrassa ferveur.

P'edont o clasq forsi an or,
Evit antren var an tenzor,
E parissas en ho c'hichen
Eun arme vras a Gristenien.

Var an tour e veljont ouспен
Eur c'havalier, var eur marc'h guen,
O rei courach d'he soudardet,
Hag eur spont braz d'ar Barbaret.

Souden e kemerjont an teac'h.
Hep ober arret e nep leac'h,
Ha pelloc'h, ar ras milliguet
Var douar Leon ne oue gulet.

An Autronez incontinant
A drugarekeas oli ar Zant
Da veza delivret ar vro
Dious tud ker criz ha ker garo.

O rei da ilis Plabennec,
Gant eur galon anaoudec,
Douarou hag heritachou,
Guiriou caër ha privilejou.

Eur seurt flambos ne dlie ket
Chom dindan ar boezell cuzet ;
Lakeat voe var ar c'hantolor
A ilis Leon gant peb enor.

Dre ma zoa partout enoret,
Sant Tenenan a voe choazet,
A voues an ilis hag ar bopl,
Goude sant Goulc'hen, da Escop.

E guenta soursi oue sevel
An templou, ar plasou santel,
O devoa an Danemarkis
Pillet, ruinet e peb guis.

Da peb parres e roas timat
Pastoret ha beleien vad,
Da sicour cundui an denvet
En doa dindan cont kemeret.

Cresquet ma oa he zignite
He vertus a greskas ive,
Beteg ober miracloù bras
Ha kent, ha goude ma varvas.

Ker patant voe anavezet
He santeles, m'e kemeret
Da Zant en Escopti Leon
Hag e Plabennec da Batron.

Ar c'huezevet a c'houere
An deis ma zeas dirag Doue,
E rer he c'houel hag he offis
E calendrier Leonis.

P'eo bet hon tad hag hor pastor,
Celebromp he c'houel gant enor,
Hag imitomp he vertuziou
Ma veritimp he bedennoù.

